



Page: 11

Reach: 0

Country: BOSNIA AND HERZEGOVINA

Size: 146 cm2

1 / 1

Iza brave Tri lica uhapšena u nastavku akcija "Koral" i "Tango"


Utajili porez i djevojke navodili na prostituciju

SARAJEVO - Pripadnici SIPA uhapsili su juče tri osobe u nastavku akcija "Koral" i "Tango" usmjerenih na otkrivanje grupe osumnjičene za organizovani kriminal, poreske utaje i navođenje na prostituciju.

Kako je saopšteno iz SIPA, sve tri osobe uhapšene su na području Sarajeva, ali njihov identitet nisu željeli da otkriju.

- N. Č. (34) i D. K. (67) uhapšeni su zbog sumnje da su pružajući knjigovodstvene i informatičke usluge preduzeću "Holidej resort" iz Sarajeva počinili organizovani kriminal u vezi s utajom poreza. Uhapšen je i S. F. (24), kog terete za navođenje na prostituciju. Nakon kriminalističke obrade osumnjičeni će biti predati Kantonalnom tužilaštvu u Sarajevu na daljnje postupanje - saopštili su iz SIPA.

Podsjetimo, akcije "Koral" i "Tango" pokrenute su u ok-



ORGANIZATOR KRIMINALNE GRUPE Privođenje Alena Čengića

tobru prošle godine, kada je uhapšeno 16 osoba, među kojima i sarajevski biznismen Alen Čengić (41), vlasnik restorana "Park prinčeva" i direktor hotela "Holidej". Čengić je tada označen kao vođa obje kriminalne grupe i kao jedan od glavnih organizatora prostitucije koja se odvijala u objektima pod njegovom kontrolom. Među uhapšenima je bio i Vahid Alić (50), nekadašnji

šef osiguranja u hotelu "Holidej" i jedan od najbližih Čengićevih saradnika.

Istražioci sumnjaju da je Čengić uz pomoć svojih saradnika utajio na stotine hiljada maraka poreza, a paralelno s tim je u sklopu navedenog hotela organizovao i prostituciju. Djevojke su, navodno, svoje usluge prodavale za oko 250 KM, od čega su veći dio novca Čengić i ekipa uzimali za sebe. **Sn. K.**